


# Kan Bondie Finn Kree Tou Zafer



Ekri par: Edward Hughes  
 Ilistre par: Byron Unger; Lazarus  
 Alastair Paterson

Tradir par: www.christian-translation.com  
 Adapte par: Bob Davies; Tammy S.

Zistwar 1 lor 60

**M1914.org**

**Bible for Children, PO Box 3, Winnipeg MB R3C 2G1 Canada**

Lisans: Ou ena drwa kopie swa inprim sa zistwar la, tan ki ou pa vann li.

19

20

21

22

23

Bondie kone nou finn fer bann move zafer,  
 ek Li apel sa pese. Penalite pou pese se lamor.

Bondie kontan twa telman boukou ki Li finn anvoy So  
 Garson, Zezi, pou mor lor enn Lakrwa ek pou pey nou  
 penalite. Zezi finn reviv ek Li finn retourn dan Paradi!  
 Aster Bondie kapav pardonn nou bann pese.


Si to anvire depi to bann pese, dir sa Bondie: Ser Bondie,  
 mo kroir Zezi finn mor pou mwa ek aster Li finn reviv.  
 Silteple vinn dan mo lavi ek pardonn mo bann pese,  
 koumsa mo kapav gagn enn nouvo lavi aster, ek res avek  
 Twa pou touzour. Ed mwa pou viv pou Twa kouma To  
 zanfan. Amen. Zan 3:16

Lir Labib ek koz avek Bondie toulezour!


Kreol Morisien

Creole Mauritian

Kisannla finn kree nou? Labib, parol Bondie,  
 rakont nou kouma la ras imin finn koumanse. Bien  
 lontan, Bondie finn kree premie zom ek finn apel  
 li Adam.



Bondie finn kree Adam avek lapousier depi later.  
 Kan Bondie finn soufle dan Adam, li finn gagn lavi.  
 Li finn retouv li dan enn zoli zardin apel Eden.



1

2


Avan Bondie finn kree Adam, Li finn kree enn zoli lemond ranpli ar bann zafer merveye. Enn apre lot Bondie finn kree bann laplenn, bann fler ki santi bon ek bann pie ot, bann zwazo avek zoli plim ek bann abey bourdone, bann gro balenn ek bann kourpa. An-fet,



Bondie finn kree tou zafer ki existe - tou zafer.


3

Depi bien koumansman, avan ki Bondie finn kree kiksoz, pa ti ena nanye apart Bondie. Okenn dimounn ni landrwa ni kiksoz. Nanye. Okenn lalimier ek okenn lanwarte. Pena lao ni anba. Pena yer ni dime. Ti ena zis Bondie ki pena okenn koumansman. Lerla Bondie finn azir! Depi koumansman, Bondie finn kree lesiel ek later.




4

Ek later pa ti ena okenn form ek ti vid. Ek lanwarte ti lor fas profonder. Lerla Bondie finn dire. "Les lalimier briye."




5

Ek lalimier finn briye. Bondie finn apel lalimier Lizour ek lanwarte Lanwit. Ek sa ti premie aswar ek premie gramatin lor premie zour.




6

Lor deziem zour, Bondie finn amenn bann dilo depi losean, lamer, ek lak an lord anba lesiel. Lor trwaziem zour, Bondie finn dir, "Les later sek paret." Ek sa finn arive.




7

Bondie finn osi komann lerb ek fler ek rasinn ek zarb pou paret. Ek zot finn paret. Ek sa ti trwaziem zour ant aswar ek gramatin.




8

Answit Bondie finn kree soley, ek lalinn, ek telman boukou zetwal ki personn pa kapav konte. Ek sa ti katriem zour ant aswar ek gramatin.



9

Bann kreatir lamer ek pwason ek zwazo ti prosin lor Bondie So lalis. Lor senkiem zour Li finn kree gro espadon ek bann tipti sardine, bann lotris avek long lazam ek bann tipti zwazo-mous bien-ere. Bondie finn kree tou espes pwason ki ranpli later so bann dilo ek tou espes zwazo ki profit sa later ek lamer ek lesiel la. Ek sa ti senkiem zour ant aswar ek gramatin.



10

Apre sa, Bondie finn koz ankor. Li finn dir, "Les later amenn delavan bann kreatir vivan..." Tou espes zanimu ek insek ek reptile finn trouv lavi. Finn ena bann gran lelefan ki ti pe fer later tranble ek bann kastor ki ti bien okipe. Bann zako bien move ek bann krokodil bien maladrwa. Bann lever ki ti pe bouz bouze ek bann ekirey raye insolan. Bann gran ziraf ek bann sat ki pe ronrone. Sa zour la bondie finn kree tou espes zanimu. Ek sa ti siziem zour ant aswar ek gramatin.



11

Bondie finn fer enn lot kiksoz lor siziem zour - enn kiksoz bien spesial. Tou ti fini pre pou zom. Ti ena manze lor bann laplenn ek ti ena bann zanimu pou li servi. Ek Bondie finn dir, "Les nou fer zom dapre nou prop zimaz. Les li mem komann tou zafer lor later." ALOR BONDIE FINN KREE ZOM DAPRE SO PROP ZIMAZ: DAPRE ZIMAZ BONDIE LI FINN KREE ZOM...



12

Bondie finn koz avek Adam. "Manz tou seki to le depi zardin la. Me pa manz fri depi zarb ki fer gagn konesans lor seki bon ek seki pa bon. Si to manz fri depi sa zarb la to sir to pou mor."



13

Ek Bondie LESEGNER finn dir, "Li pa bon pou zom res tousel. Mo pou kree enn compagn ki pou konvenab pou li." Bondie finn amenn tou zwazo ek tou lezot zanimu devan Adam. Adam finn donn zot tou enn nom. Li ti bizin bien intelizan pou fer sa. Me parmi tou zwazo ek tou lezot zanimu, pa ti ena okenn compagn ki konvenab pou Adam.



14

Bondie finn met Adam dan enn somey bien profon. Li finn retir enn kot ek avek sa kot la, Bondie finn kree lafam. Sa fam ki Bondie finn kree la ti compagn parfe pou Adam.



15

Bondie finn kree tou dan sis zour. Answit Bondie finn beni setieme zour ek finn fer sa zour la enn zour repo. Dan Zardin Eden, Adam ek so fam Ev ti bien-ere. Zot ti p obeir Bondie. Bondie ti zot SEGNER, zot Pourwayer ek zot Kamarad.



16

Kan Bondie Finn Kree Tou Zafer

Enn zistwar depi parol Bondie, Labib,

trouv dan

Zenez 1-2

"Dekuvrir To bann Parol aport lalimier."  
Som 119:130

17

18